



საქართველოს სოც.



მუშათა და გლეხთა მთავრობის

კანონთა და განკარგულებათა კრებული

1927 წ.

იუსტიციის სასახლელ კომისიარიატის გამომცემა

1927 წ. მაისი 20

№ 8

ნაწილი პირველი

შ ი ნ ა ა რ ს ი :

ცენტრალური აღმასრულებელი კომიტეტის დადგენილებანი.

113. დადგენილება № 71 ც. ა. კ. და ს. კ. ს.—კერძო ტირების (სასროლო) დახურვისა და სახელმწიფო დაწესებულებათა და საზოგადოებრივ ორგანიზაციათა მიერ მათი განხნის წესის შესახებ.

114. დადგენილება № 72 ც. ა. კ. და ს. კ. ს.—საქართველოს სოც. საბჭ. რესპუბლიკის სამოქალაქო სამართლის საპროცესო კოდექსის 83, 187² და 211 მუხლის შეცვლის შესახებ.

სახალხო კომისართა საბჭოს დადგენილებანი.

115. დადგენილება ს. კ. ს.—სახელმწიფო ნოტარიატის დებულების შეცვლის შესახებ.

116. დადგენილება ს. კ. ს.—საქართველოს სოც. საბჭ. რესპუბლიკის ცენტრალურ სტატისტიკურ სამმართველოსთან სტატისტიკური საგეგმო კომისიის დაარსების შესახებ.

117. დადგენილება ს. კ. ს.—დროებითი სავეტერინარო მილიციის დაარსების შესახებ.

118. დადგენილება ს. კ. ს.—საქართველოს სახელმწიფო მუზეუმის შენობის დამამთავრებელი კომიტეტის დებულების დამტკიცების შესახებ.

დებულება საქართველოს სახელმწიფო მუზეუმის შენობის დამამთავრებელი კომიტეტის შესახებ.

477

119. დადგენილება ს. კ. ს.—სახელმწიფო დაწესებულებათა და საწარმოთა და კოოპერატიულ ორგანიზაციათა იურისკონსულტებისა და მათი მოქმედებისათვის ზედამხედველობის გაწევის შესახებ.

120. დადგენილება ს. კ. ს.—საქართველოს სოც. საბჭ. რესპუბლიკის ცენტრალური სტატისტიკური სამმართველოს და აფხაზეთის სოც. საბჭ. რესპუბლიკასა, აჭარისტანის ავტონომიურ სოც. საბჭ. რესპუბლიკასა და სამხრეთ-ოსეთის ავტონომიურ ოლქში არსებული მისი ორგანოების სპეციალური სახსარის შესახებ.

სენატორული აღმასრულებელი კომიტეტის დადგენილება.

113. დადგენილება № 71 ც. ა. კ. და ს. კ. ს.

კერძო ტირების (სასასროლო) დახურვისა და სახელმწიფო დაწესებულებათა და საზოგადოებრივ ორგანიზაციათა მიერ მათი ვახსნიხ წესის შესახებ.

რათა სასროლო საქმე სწორად იქნეს დაყენებული და სასროლო სპორტის სისტემატიური ხელმძღვანელობა გაეწიოს ფიზიკური კულტურის უმაღლესი საბჭოს მიერ, სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო ადგენენ:

1. აუქრძალოს კერძო პირებს საქართველოს სოც. საბჭ. რესპუბლიკის ტერიტორიაზე ვახსნან ტირები (სასასროლო).

2. სახელმწიფო დაწესებულებას და საზოგადოებრივ ორგანიზაციას შეუძლიან ვახსნან ტირი (სასასროლო) მხოლოდ ფიზიკური კულტურის უმაღლესი საბჭოს ნებართვით, რომელთანაც აგრეთვე შეთანხმებულ უნდა იქნეს ტირის მოწყობის გეგმაც.

3. სახელმწიფო დაწესებულება და საზოგადოებრივი ორგანიზაცია, რომელსაც საკუთარი ტირი (სასასროლო) აქვს, ვალდებულია, ორი კვირის განმავლობაში დღიდან ამა დადგენილების გამოქვეყნებისა, გაუყეთოს მას რეგისტრაცია ფიზიკური კულტურის ადგილობრივ საბჭოში; აღნიშნული ვადის გასვლის შემდეგ რეგისტრაციაში გაუტარებელი ტირი (სასასროლო), როგორც ფიზიკური კულტურის საბჭოს სისტემატიური ხელმძღვანელობის გარეშე მდგომი, დაიხსრება.

სრულიად საქართველოს საბჭოთა ცენტრალური აღმასრულებელი კომიტეტის თავმჯდომარის მაგ. ვ. ხატურუა.
 საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე დ. ქართველიშვილი.

სრულიად საქართველოს საბჭოთა ცენტრალური აღმასრულებელი კომიტეტის მდივანი შ. მათიკაშვილი.

1927 წ. აგვისტოს 22.

ტფილისი—სასახლე.

გამოქვეყნებულია გაზ. „კომუნისტის“ 205 №-ში 1927 წ. სექტემბრის 10.

114. დადგენილება № 72 ც. ა. კ. და ს. ძ. ს.

საქართველოს სოც. საბჭ. რესპუბლიკის სამოქალაქო სამართლის საპროცესო კოდექსის 83, 187² და 211 მუხლის შეცვლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე-2 მუხლის წესისამებრ—სრულიად საქართველოს საბჭოთა ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო აღდგენენ:

საქართველოს სოც. საბჭ. რესპუბლიკის სამოქალაქო სამართლის საპროცესო კოდექსის 83, 187² და 211 მუხლი შეიცვალოს შემდეგნაირად:

მუხ. 83. მოსარჩელეს შეუძლიან გადაწყვეტილების გამოტანამდე, რამდგომარეობაშია ცუნდა იყოს საქმე, მოითხოვოს სარჩელის უზრუნველყოფა.

შენიშვნა. არ შეიძლება უზრუნველყოფა ისეთი სარჩელისა, საკრედიტო-კოოპერატიული ამხანაგობის სარჩელის გარდა, რაც აღიძვრის ამა თუ იმ სახელმწიფო დაწესებულებისა და სახელმწიფო საწარმოს წინააღმდეგ. მუხ. 187². არ შეიძლება სახელმწიფო ორგანოს წინააღმდეგ გამოტანილი გადაწყვეტილების დაუყოვნებლივ შესრულება, გარდა ისეთი გადაწყვეტილებისა, რაც გამოტანილ იქნება სამუშაო ხელფასის სარჩელის გამო, აგრეთვე საკრედიტო-კოოპერატიული ორგანიზაციის სარჩელისა და პროტესტქმნილ თამასუქზე დამყარებული სარჩელის გამო.

მუხ. 211. სასამართლო ბრძანება არ ვაიცემა:

ა) უკეთუ მოთხოვნა მიმართულია სახელმწიფო დაწესებულების ან სახელმწიფო საწარმოს წინააღმდეგ, გარდა იმ შემთხვევისა, როდესაც მათ წინააღმდეგ მიმართული მოთხოვნა წარდგენილია საკრედიტო-კოოპერატიული ორგანიზაციის მიერ;

ბ) უკეთუ მოთხოვნის ვადის დადგომის დღიდან ორ თვეზე მეტია გასული

გ) უკეთუ იმის გამოსარკვევად,—აქვს თუ არა მოთხოვნელს მოთხოვნის წარდგენის უფლება, საჭიროა დამატებითი დამამტკიცებელი საბუთების წარდგენა;

დ) უკეთუ მოვალის პასუხისმგებლობა ცხადად არა სჩანს თვით წარდგენილი დოკუმენტების ტექსტიდან;

ე) უკეთუ იმ ვალდებულების შესრულება, რაზედაც მოთხოვნა დამყარებულია თვით დოკუმენტით დამოკიდებულია ისეთ პირობებზე, რომელთა დადგომაც წინასწარ უნდა იქნეს დამტკიცებული.

შენიშვნა. სასამართლო ბრძანება სახელმწიფო ბანკის ოპერაციებიდან გამომდინარე სარჩელის გამო ვაიცემა სსრ კავშირის სახელმწიფო ბანკის დებულებით გათვალისწინებულ შემთხვევაში.

სრულიად საქართველოს საბჭოთა ცენტრალური

აღმასრულებელი კომიტეტის თავმჯდომარის მაგ. ვ. სტურუა.

საქართველოს სოც. საბჭ. რესპუბლიკის სახალხო კომისარ-

თა საბჭოს თავმჯდომარე ლ. ქართველიშვილი.

სრულიად საქართველოს საბჭოთა ცენტრალური

აღმასრულებელი კომიტეტის მდივანი შ. მათიკაშვილი

1927 წ. აგვისტოს 25.

ტფილისი—სასახლე.

გამოქვეყნებულია ვაზ. „კომუნისტის“ 208 №-ში 1927 წ. სექტემბრის 14.

სახალხო კომისართა საბჭოს დადგენილება

115. დადგენილება ს.კ.ს.

სახელმწიფო ნოტარიატის დებულების შევსების შესახებ

საქართველოს სოც. საბჭ. რესპ. სახალხო კომისართა საბჭო ადგენს: სახელმწიფო ნოტარიატის დებულებაში შეტანილ იქნეს შემდეგი დამატებანი:

1. სახელმწიფო ნოტარიატის დებულების პირველ მუხლს დაემატოს „ზ“ და „თ“ პუნქტები შემდეგი შინაარსისა:

პუნქტი „ზ“. „აღსრულების წარწერის გაკეთება“.

პუნქტი „თ“. „ვალდებულების საგნის (ფულისა და ფასეულობის) დეპოზიტად მიღება კუთვნილებისამებრ გადასაცემად“.

2. მე-2 მუხლს დაერთოს შემდეგი შენიშვნა:

შენიშვნა. იმ საქონლის დაგირაების ხელშეკრულება, რაც სააღებ-მიცემო ტრიალშია, დამოწმებულ უნდა იქნეს იმ ადგილის სანოტარო კონტორაში, სადაც სავაჭრო საწარმო მდებარეობს.

3. მეექვსე მუხლს დაერთოს შემდეგი შენიშვნა:

შენიშვნა. სანოტარო კონტორა ვალდებულია დაუბრკოლებლივ მისცეს ყველა მსურველს ცნობა იმ საქონლის გირავნობის ხელშეკრულების დადების შესახებ, რაც სააღებმიცემო ტრიალშია.

4. სახელმწიფო ნოტარიატის დებულებას დაემატოს შემდეგი მუხლები:

29¹. ფულის გადახდევინებისათვის ან და ქონების დაბრუნებისა და გადაცენისათვის ისეთი, სანოტარო წესით დამოწმებული, გარიგებით, რომლისთვისაც სანოტარო წესით დამოწმება სავალდებულოა, ან და პროტესტქმნილი თამასუქით ფულის გადახდევინებისათვის სანოტარო კონტორა, გადამხდევინებლის თხოვნით, გააკეთებს თამასუქზე ან აქტზე აღსრულების წარწერას, რის თანახმადაც მოხდება გადახდევინება.

29². იძულებითი შესრულება დამთავრებული დისპაშით, რომლის შესახებაც არ ყოფილა აღძრული დავა იმ ვადის განმავლობაში, რაც გათვალისწინებულია სსრკ სახალხო კომისართა საბჭოს მიერ „საერთო და ნაწილობრივი ავარიისა, გემთა შეჯახებით მიყენებული ზარალის ანაზღაურებისა და საზღვაო პროტესტის შესახებ“ 1926 წ. ივლისის 27-ს თარიღით გამოცემული დადგენილების მე-18-მუხლით, მოხდება სანოტარო კონტორის მიერ გაკეთებული აღსრულების წარწერის თანახმად.

29³. სანოტარო წესით დამოწმებულ გარიგებას აღსრულების წარწერა არ გაუკეთდება იმ შემთხვევაში: 1) უკეთუ მოთხოვნა მიქცეულ უნდა იქნეს სახელმწიფო დაწესებულებასა, სახელმწიფო საწარმოსა ან პროფესიონალურ ორგანიზაციასზე; 2) უკეთუ დღიდან მოთხოვნის ვადის დადგომისა ორ თვეზე მეტმა ხანმა განვლო; 3) უკეთუ გადახდევინების უფლების დასადასტურებლად საჭიროა დამატებითი დამამტკიცებელი საბუთების წარდგენა; 4) უკეთუ მოვალის პასუ-

ხისმგებლობა ნათლად არა სჩანს თვით წარდგენილი დოკუმენტის ტექსტიდან; 5) უკეთუ იმ ვალდებულების შესრულება, რასაც მოთხოვნა ემყარება, თვით დოკუმენტში დამოკიდებულია ისეთ პირობაზე, რის დადგომაც დამტკიცებულ უნდა იქნეს.

29⁴. აღსრულების წარწერაში უნდა აღინიშნოს: ა) სანოტარო კონტორის სახელწოდება, წელიწადი, თვე და რიცხვი და ნომერი რეესტრის მიხედვით; ბ) გადახდევინებლისა და მოვალის საცხოვრებელი ადგილი; გ) დოკუმენტის სწორი სახელწოდება (მისი შესრულების დრო და ადგილი, სანოტარო კონტორის სახელწოდება, რიცხვი და ნომერი რეესტრის მიხედვით); დ) ის ვადა, რომლის განმავლობაშიაც უნდა მოხდეს ვადანი გადასახდელის გადახდევინება (განსაზღვრულ ვადაში ნაწილობრივ გადახდევინების დროს); ე) გადასახდევინებელი თანხები ან იმ საგნების სწორი სახელწოდება, რაც მოთხოვნილ უნდა იქნეს; ვ) პროცენტი, თუ იგი ერგება გადახდევინებელს; გ) ნოტარიუსის ხელმოწერილი და სანოტარო კონტორის ბეჭედი.

29⁵. აღსრულების წარწერა გაუკეთდება თვით სანოტარო წესით დამოწმებულ გარიგებას; ხოლო, უკეთუ სამისოდ საქმარისი ადგილი არ არის, წარწერა გაკეთდება ცალკე ფურცელზე, რომელიც მიჰკერდება და მიგებულება გარიგების ქალაქს, მაგრამ ისე კი, რომ აღსრულების წარწერა იწყებოდეს თვით აქტზე. დოკუმენტის დედანი აღსრულების წარწერით მიეცემა გადახდევინებელს რეესტრში შეტანის შემდეგ, ხოლო დოკუმენტისა და წარწერის ასლი დაიტოვება სანოტარო კონტორის საქმეებში.

29⁶. აღსრულების წარწერის გაკეთება შეიძლება განსაჩივრებულ იქნეს სამ. სამ. საპრ. კოდ. წესისამებრ და სასამართლო მას განიხილავს დამამტკიცებელი საბუთების შემოწმებით და მხარეთა დაბარებით. აღსრულების წარწერის განსაჩივრების ვადა გამოიანგარიშება მოვალისათვის დღიდან აღსრულების შესახებ უწყების მიღებისა, ხოლო გადახდევინებელისათვის—დღიდან აღსრულების წარწერისა და დოკუმენტის მიღებისა ან დღიდან აღსრულების წარწერის გაკეთებაზე უარის მიღებისა.

29⁷. სამ. სამ. კოდ. 114 მუხლში აღნიშნულ შემთხვევებში მოვალეს შეუძლია მის მიერ გადასახდელი თანხები და ფასიანი ქალაქები შეიტანოს საფინანსო განყოფილებაში სანოტარო კონტორის დეპოზიტად.

29⁸. მოვალე წარუდგენს სანოტარო კონტორას წერილობითი განცხადებას—თან ერთად საფინანსო განყოფილების ქვითარს ვალდებულების საგნის შეტანის თაობაზე; განცხადებაში უნდა აღინიშნოს: ა) შეტანის სახელწოდება და მისამართი; ბ) იმ პირის სახელწოდება, ვის სახელზედაც ვალდებულების საგანი არის შეტანილი, და აგრეთვე ის ადგილი, სადაც უკანასკნელი ცნობით აღნიშნული პირი სცხოვრობდა; გ) შეტანის საფუძველი და გამოანგარიშება; დ) ის მიზეზი, რის გამოც შეუძლებლად ხდება ვალდებულების უშუალოდ შესრულება.

29⁹. სანოტარო კონტორა შეტანის საფუძველის შეუმოწმებელი წარმოდგენილ წერილობითი ვალდებულებას, უკეთუ იგი იქნება, წააწერს, რომ ვალდებულების საგანი შეტანილია—ან და, უკეთუ წერილობითი ვალდებულება არ

არის, მისცემს მოწმობას დატის აღნიშვნით და ვალდებულების საგნის შეტანას განუცხადებს იმ პირს, ვისთვისაც ეს საგანი შეტანილია.

29¹⁰. როდესაც ის პირი, ვისთვისაც ესა თუ ის ვალდებულების საგანი შეტანილია, გამოცხადდება სანოტარო კონტორაში და წარადგენს საბუთს იმის დასამტკიცებლად, რომ მას ნამდვილად აქვს უფლება მიიღოს დეპოზიტად შეტანილი საგანი, სანოტარო კონტორა, გამოარკვევს რა ამ პირის ვინაობას, წინადადებას მისცემს საფინანსო განყოფილებას გადასცეს აღნიშნულ პირს დეპოზიტად შეტანილი საგანი. ვაცემის დროს საფინანსო განყოფილება გააკეთებს დოკუმენტზე სათანადო წარწერას.

29¹¹. დეპოზიტად შეტანილი საგანი შეიძლება შემტანს დაუბრუნდეს კრედიტორის თანხმობით ან სასამართლოს დადგენილებით.

5. დადგენილება ესე შემოღებულ იქნეს სამოქმედოდ იმ დროიდან, როდესაც სრულიად საქართველოს საბჭოთა ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს დადგენილებით სამოქალაქო სამართლის საპროცესო კოდექსის 204—209 მუხ. და 210 მუხ. „ა“ და „ბ“ პუნქტები გაუქმებულ იქნება.

საქართველოს სოც. საბ. რესპუბლიკის სახალხო

კომისართა საბჭოს თავმჯდომარე ლ. ქართველიშვილი.

საქართველოს სოც. საბჭ. რესპუბლიკის სახ. კომ. საბჭოს

საქმეთა მმართველის თან. დრ. აღმ. ხ. სტეფანოვი.

1927 წ. აგვისტოს 2.

ტფილისი-სასახლე.

გამოქვეყნებულია გაზ. „კომუნისტის“ მე 177 №-ში 1927 წ. აგვისტოს 2.

116. დადგენილება ს. ქ. ს.

საქართველოს სოც. საბჭ. რესპუბლიკის ცენტრალურ სტატისტიკურ სამმართველოსთან სტატისტიკური საგვეგმო კომისიის დაარსების შესახებ.

საქართველოს სოც. საბჭ. რესპუბლიკის სახალხო კომისართა საბჭო აღდგენს:

1. საქართველოს ცენტრალურ სტატისტიკურ სამმართველოსთან მოეწყოს მუდმივი სტატისტიკური საგვეგმო კომისია ცენტრალური სტატისტიკური სამმართველოს მმართველის ან მისი მოადგილის თავმჯდომარეობით.

სტატისტიკურ საგვეგმო კომისიას დაეკისრება:

ა) შეადგინოს სტატისტიკურ სამუშაოთა საერთო-რესპუბლიკანური გვეგმა და თვალყური ადევნოს ამ გვეგმის შესრულებას;

ბ) დაამტკიცოს საქართველოს სოც. საბჭ. რესპუბლიკის სახალხო კომისარიატებისა და სხვა ცენტრალური დაწესებულებების მიერ და აგრეთვე რეს-

პუბლიკანური მნიშვნელობის საწარმოთა და ორგანიზაციათა მიერ სტატისტიკური მასალის შეკრებისა და შემუშავების წესი და პროგრამა;

გ) დაამტკიცოს იმ სტატისტიკურ სამუშაოთა პროგრამა და საორგანიზაციო გეგმა, რასაც აწარმოებს მოკავშირე აფხაზეთის სოც. საბჭ. რესპუბლიკა, ავტონომიური აჭარისტანის სოც. საბჭ. რესპუბლიკა და სამხრეთ-ოსეთის ავტონომიური ოლქი, იმ შემთხვევაში, როდესაც აღნიშნული სამუშაო საერთო-რესპუბლიკანურ გეგმით გათვალისწინებული არ არის;

დ) შეიმუშაოს ყოველგვარი სტატისტიკური ოპერაციის მეთოდოლოგიური საკითხები;

ე) განიხილოს იმ სტატისტიკურ სამუშაოთა პროგრამა და საორგანიზაციო გეგმა, რასაც საქართველოს ცენტრ. სტატისტ. სამმართველოს სექტორები აწარმოებენ, და მისცეს დასკვნა ამ პროგრამისა და გეგმის შესახებ;

ვ) განიხილოს სტატისტიკურ ორგანოთა ანგარიშები გეგმით დაკისრებულ სტატისტიკურ სამუშაოთა შესრულების შესახებ;

ზ) შეიმუშაოს საქართველოს სოც. საბჭ. რესპუბლიკის სახალხო მეურნეობის ბალანსისა, დინამიკისა და კონიუნქტურის შესასწავლად საჭირო სამუშაოთა მეთოდოლოგიისა და ორგანიზაციის საკითხები;

თ) შეადგინოს საქართველოს სოც. საბჭ. რესპუბლიკის სახალხო მეურნეობის მთლიანი ბალანსი და აგრეთვე სახალხო მეურნეობის დინამიკისა და კონიუნქტურის დარგში წარმოებულ სტატისტიკურ სამუშაოთა ჯუშმლები;

ი) თვალყური ადევნოს სახალხო კომისარიატებისა და რესპუბლიკანური მნიშვნელობის სხვა დაწესებულებისა და ორგანიზაციების მიერ სტატისტიკურ სამუშაოთა გეგმის შესრულებას და აგრეთვე განიხილოს ხოლმე ავტონომიური რესპუბლიკებისა და ოლქის სტატისტიკურ ორგანოთა საანგარიშო ცნობები იმავე გეგმის შესრულების საქმეში;

კ) შეიმუშაოს სტატისტიკურ სამუშაოთა საერთო-რესპუბლიკანური პერსპექტიული გეგმა სახალხო მეურნეობის პერსპექტიული გეგმის მიხედვით.

2. რადგანაც მეთოდოლოგიური საკითხების შემუშავება ამა დადგენილების ძალით სტატისტიკურ საგეგმო კომისიას დაეკისრა, საქართველოს ცენტრ. სამმართველოსთან არსებული სამეცნიერო-სამეთოდოლოგიო კოლეგია გაუქმებულ იქნეს.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე **ლ. ქართველიშვილი.**

საქართველოს სოც. საბჭ. რესპუბლიკის სახალხო
კომისართა საბჭოს საქმეთა
მართველის მოვალეობის დრ. აღმა-
სრულებელი **ს. სტეპანოვი.**

1927 წ. აგვისტოს 20.
ტფილისი—სასახლე

გამოქვეყნებულია გაზ. „კომუნისტის“ 207 №-ში 1927 წ. სექტემბრის 13.

117. დადგენილება ს. ა. ს.

დროებითი სავეტერინარო მილიციის დაარსების შესახებ.

რქოსანი საქონლის ჭირთან ბრძოლის საკარანტინო და სხვა ღონისძიებათა სასწრაფოდ განხორციელებისათვის საქართველოს სოც. საბჭ. რესპუბლიკის სახალხო კომისართა საბჭო ადგენს:

1. სრულიად საქართველოს საბჭოთა ცენტრალური აღმასრულებელი კომიტეტისა და საქართველოს სოც. საბჭ. რესპუბლიკის სახალხო კომისართა საბჭოს მიერ საუწყებო მილიციის შესახებ 1925 წლის ოქტომბრის 26-ის თარიღით გამოცემული დადგენილების (საქ. სს რესპუბლიკის კანონთა კრებული 1925 წ. № 3 მუხ. 78) წესისამებრ მოწყობილ იქნეს დროებითი სავეტერინარო მილიცია სავეტერინარო ზედამხედველობის ორგანოებისა და რქოსანი საქონლის ჭირის წინააღმდეგ მებრძოლი აღმასრულებელი კომისიების იმ დავალებათა შესასრულებლად, რაც ჭირთან ბრძოლის ღონისძიებათა განხორციელებას შეეხება.

2. დაევალოს მუშათა და გლეხთა მილიციის ადგილობრივ ორგანოებს დახმარება გაუწიონ სავეტერინარო ზედამხედველობას და დროებით სავეტერინარო მილიციას საკარანტინო ღონისძიებათა განხორციელების საქმეში.

3. დაევალოს მიწათმოქმედების სახალხო კომისარიატს, ფინანსთა სახალხო კომისარიატთან შეთანხმებით, განსაზღვროს სავეტერინარო მილიციის დროებითი შტატი.

4. სავეტერინარო მილიციის შესანახი ხარჯი მიეკუთვნოს იმ კრედიტებს, რაც სახელმწიფო ბიუჯეტით გაცემულ იქნება რქოსანი საქონლის ჭირთან ბრძოლის საგანგებო ღონისძიებათა განხორციელებისათვის.

5. დაევალოს მიწათმოქმედების სახალხო კომისარიატს შინაგან საქმეთა სახალხო კომისარიატთან შეთანხმებით ორი კვირის ვადაზე, ამა დადგენილების გამოქვეყნების დღიდან, გამოსცეს ინსტრუქცია ამა დადგენილების შეფარდებისათვის.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე **ლ. ქართველიშვილი.**

საქართ. სოც. საბჭ. რესპ. სახალხო კომისართა
თა საბჭოს საქმეთა მმართველის თანამდ.
დრ. აღმასრულებელი **ს. სტეპანოვი.**

1927 წ. აგვისტოს 22.

ტფილისი—სასახლე

გამოქვეყნებულია გაზ. „კომუნისტის“ 198 №-ში 1927 წ. სექტემბრის 2.

118. დადგენილება ს. კ. ს.

საქართველოს სახელმწიფო მუზეუმის შენობის დამამთავრებელი კომიტეტის
დებულების დამტკიცების შესახებ.

საქართველოს სოც. საბჭ. რესპ. სახალხო კომისართა საბჭო ადგენს: დამ-
ტკიცებულ იქნეს შემდეგი დებულება საქართველოს სახელმწიფო მუზეუმის შე-
ნობის დამამთავრებელი კომიტეტის შესახებ.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარე ლ. ქართველიშვილი.

საქართველოს სოც. საბჭ. რესპუბლიკის სახალხო
კომისართა საბჭოს საქმეთა მმართველის თანამდ.
დროებით აღმასრულებელი ს. ტეფანაოვი.

1927 წ. აგვისტოს 22.

ტფილისი—სასახლე.

დ ე ბ უ ლ ე ბ ა

საქართველოს სახელმწიფო მუზეუმის შენობის დამამთავრებელი კომიტეტის
შესახებ.

1. საქართველოს სახელმწიფო მუზეუმის შენობის დასამთავრებლად საქარ-
თველოს სოც. საბჭ. რესპუბლიკის სახალხო კომისართა საბჭოსთან მოეწყო
საქართველოს სახელმწიფო მუზეუმის შენობის დამამთავრებელი განსაკუთრებუ-
ლი კომიტეტი, რომლის თავმჯდომარე, თავმჯდომარის მოადგილე და წევრები
დაინიშნებიან საქართველოს სოც. საბჭ. რესპუბლიკის სახალხო კომისართა სა-
ბჭოს ცალკე დადგენილებით.

2. საქართველოს სახელმწიფო მუზეუმის შენობის დამამთავრებელ კომი-
ტეტს დაეკისრება:

ა) თვალყური ადევნოს მუზეუმის შენობის დამთავრებისათვის წარმოებულ
მუშაობას და ხელმძღვანელობა გაუწიოს ამ მუშაობას;

ბ) განავოს მუზეუმის დასამთავრებლად გადადებული კრედიტი;

გ) დასდოს ხელშეკრულება სახელმწიფო, საზოგადოებრივ, კოოპერატიულ
და კერძო საწარმოსთან და კერძო პირთან საალმშენებლო მასალისა და მოწ-
ყობილობის მიწოდების შესახებ და აგრეთვე დასდოს ყოველგვარი სხვა გარი-
გება, რაც დაკავშირებული იქნება მუშაობის წარმოებასთან;

დ) შეიმუშაოს სამუშაოთა გეგმა და ხარჯთაღრიცხვა და აგრეთვე საალ-
მშენებლო მასალის მიღებისა და ჩაბარების პირობები;

ე) მიიღოს და დაითხოვოს მუშა-მოსამსახურენი შრომის კანონმდებლობის
წესების დაცვით;

ვ) გაიხსნას კრედიტი სსრ კავშირის საბანკო დაწესებულებებში იმ თანხის ფარგლებში, რასაც საქართველოს სოც. საბჭ. რესპუბლიკის ეკონომიური საბჭო განსაზღვრავს;

გ) შეიმუშაოს და განიხილოს მუზეუმის ფასადისა და აგრეთვე შენობის ნაწილობრივი რეკონსტრუქციის პროექტები და წარუდგინოს ისინი დასამტკიცებლად საქართველოს ეკონომიურ საბჭოს;

თ) მოიწვიოს ექსპერტები კონსულტაციისათვის;

ი) შეიმუშაოს და დაამტკიცოს ინსტრუქციები სამუშაოთა მწარმოებელისათვის და აგრეთვე ამა დებულების მე-3 მუხლში გათვალისწინებული კომისიებისათვის.

3. მე-2 მუხლში აღნიშნული მოვალეობის შესასრულებლად საქართველოს სახელმწიფო მუზეუმის შენობის დამამთავრებელ კომიტეტს უფლება აქვს მოაწყოს, თავისი შეხედულებისამებრ, სპეციალური კომისიები.

4. სამუშაოთა მწარმოებელის თანამდებობა და აგრეთვე სხვა საპასუხისმგებლო თანამდებობა საქართველოს სახელმწიფო მუზეუმის შენობის დამამთავრებელ კომიტეტში ამ უკანასკნელის დადგენილებით უნდა იქნეს დაკვირვებული.

5. ყოველგვარ ხელშეკრულებას, ვალდებულებას, თამასუქს, ჩეკს და ფულადი ხასიათის სხვა დოკუმენტს კომიტეტის სახელით ხელს მოაწერს კომიტეტის თავმჯდომარე ან მისი მოადგილე; ფულადი ხასიათის დოკუმენტს ამასთანავე ხელის მოწერით დაადასტურებს კომიტეტის ბუხალტერი.

6. საქართველოს სახელმწიფო მუზეუმის შენობის დამამთავრებელი კომიტეტი თავის მოქმედების ანგარიშს პერიოდულად წარუდგენს ხოლმე საქართველოს სოც. საბჭ. რესპუბლიკის სახალხო კომისართა საბჭოს და ეკონომიურ საბჭოს, ხოლო დაკისრებული მოვალეობის მთლად შესრულებისას წარადგენს საერთო ანგარიშს.

გამოქვეყნებულია გაზ. „კომუნისტი“-ს 206 №-ში 1927 წ. სექტემბრის 11.

119. დადგენილება ს. ა. ს.

სახელმწიფო დაწესებულებათა და საწარმოთა და კოოპერატიულ ორგანიზაციათა იურისკონსულტებისა და მათი მოქმედებისათვის ზედამხედველობის გაწევის შესახებ.

საქართველოს სოციალისტური საბჭ. რესპუბლიკის სახალხო კომისართა საბჭო ადგენს:

1. იურისკონსულტი სახელმწიფო დაწესებულებისა და საწარმოსი (როგორც ისეთისა, რომელიც სახელმწიფო ან ადგილობრივ ბიუჯეტზე ირიცხება, აგრეთვე ისეთისა, რომელიც სამეურნეო ანგარიშზეა გადასული) და ისეთი სააქციო საზოგადოებისა (საპაიო ამხანაგობისა), სადაც სახელმწიფო კაპიტალი მეტობს, რომელიც ან მართო სახელმწიფო კაპიტალით მოქმედობს, აგრეთვე იურისკონსულტი კოოპერატიული ორგანიზაციისა—თანამდებობაზე დაინიშნება,

თანამდებობიდან მოიხსნება და სხვა ადგილზე გადაიყვანება სათანადო წესდებისა, დებულებისა და შტატის ფარგლებში იმ თანამდებობის პირის ან დაწესებულებისა, საწარმოს თუ ორგანიზაციის ორგანოს მიერ, ვისაც იგი უშუალოდ ემორჩილება ან ვის წინაშეც იგი ანგარიშვალდებულია.

იურისკონსულტად 1-ლი მუხლით გათვალისწინებული ორგანოებში შეიძლება დანიშნულ იქნეს ის პირი, ვისაც საქართველოს სოც. საბჭ. რესპუბლიკის კონსტიტუციის თანახმად საბჭოში არჩევის უფლება აქვს, უკეთეს მას: ა) ან სპეციალური იურიდიული განათლება მიუღია, ბ) ან აქვს ორი წლის სტაჟი საპასუხისმგებლო პოლიტიკური მუშაობისა სახელმწიფო დაწესებულებაში ან მუშათა და გლეხთა საზოგადოებრივ, პროფესიონალურ, პარტიულ თუ კოოპერატიულ ორგანიზაციაში, გ) ან და აქვს 3 წლის სტაჟი პრაქტიკული საპასუხისმგებლო მუშაობისა საბჭოთა იუსტიციის ორგანოებში.

3. 1 მუხლში აღნიშნულ ორგანოთა იურისკონსულტს უფლება არა აქვს დაიქიროს რაიმე თანამდებობა კერძო საწარმოში. იურისკონსულტის თანამდებობათა შეთავსება ორ სახელმწიფო დაწესებულებაში ან საწარმოში და 1-ლი მუხლით მათთან გათანაბრებულ ორგანიზაციაში შეიძლება მხოლოდ მათი ხელმძღვანელი ორგანოების ნებართვით. სამეცნიერო, ლიტერატურული და სალექტორო მუშაობა შეთავსებად არ ჩაითვლება. იურისკონსულტს არ შეუძლიან ერთსა და იმავე დროს შეასრულოს ადმინისტრაციული ფუნქციებიც იმ სახელმწიფო დაწესებულებაში ან საწარმოში, სადაც იგი იურისკონსულტად მსახურობს. ამ წესდების გამონაკლისი შეიძლება მხოლოდ განსაკუთრებულ შემთხვევაში დაწესებულებისა, საწარმოთა ან ორგანიზაციის ხელმძღვანელისა ან ხელმძღვანელი ორგანოს ნებართვით.

4. იურისკონსულტს არ შეუძლიან იკისროს კერძო პირის და საწარმოს ინტერესების წარმომადგენლობა ისეთ საქმეში, რომელიც სახელმწიფო და კოოპერატიული დაწესებულებისა და საწარმოს წინააღმდეგ არის მიმართული.

შენიშვნა. ამა მუხლით გათვალისწინებული აკრძალვა არ გავრცელდება ისეთ საქმეზე, სადაც იურისკონსულტი მშრომელის ინტერესების დასაცავად გამოდის.

5. იურისკონსულტის ძირითად მოვალეობას შეადგენს: ა) მისცეს წერილობითი და სიტყვიერი დასკვნა და ცნობა უფლებრივ საკითხების შესახებ; ბ) მონაწილეობა მიიღოს ინსტრუქციებისა, ცირკულარებისა, დადგენილებების და სხვ. პროექტების შედგენაში; გ) შეადგინოს და განიხილოს, იურიდიული თვალსაზრისით, ხელშეკრულება და უფლებრივი ხასიათის სხვა აქტი, რასაც დაწესებულება ან საწარმო დასდებს დაწესებულებისა თუ საწარმოს უფლებრივი ინტერესების დასაცავად—მომქმედი კანონების მიხედვით; დ) იკისროს დაწესებულებისა, საწარმოს ან ორგანიზაციის ინტერესების წარმომადგენლობა ამ დაწესებულებისა, საწარმოს თუ ორგანიზაციის დავალებით.

6. იურისკონსულტი პასუხისმგებელია დაწესებულებისა, საწარმოს თუ ორგანიზაციის ხელმძღვანელისა ან ხელმძღვანელი ორგანოს წინაშე მისი მონაწილეობით დადებული გარიგებისა ან მის მიერ წარდგენილი დადგენილებისა და სხვ. პროექტების მომქმედ კანონებთან შეუთანხმებლობისათვის.

7. 1-ლი მუხლში აღნიშნულ დაწესებულებათა, საწარმოთა და ორგანიზაციათა იურისკონსულტების მოქმედების კანონიერებას საერთო ზედამხედველობას გაუწევს საპროკურორო ზედამხედველობა ხელისუფლებისა და სამეურნეო ორგანიზაციის მოქმედების კანონიერებისათვის საერთო ზედამხედველობის გაწევის წესისამებრ.

შენიშვნა. ყოველგვარი მასალა, ამა მუხლში აღნიშნული საპროკურორო ზედამხედველობის განსახორციელებლად, პროკურატურამ უნდა გამოითხოვოს სათანადო დაწესებულების ხელმძღვანელის მეშვეობით.

8. დაწესებულებათა და საწარმოთა იურისკონსულტების პრაქტიკული მუშაობის გასაერთიანებლად და აგრეთვე ისეთი საკითხების გამოსარკვევად, რომელნიც უფლებრივ მოწესრიგებას მოითხოვენ, დაარსდება თათბირები ქ. ტფილისში—რესპუბლიკის პროკურორთან, ხოლო სხვა ადგილებში—ადგილობრივ პროკურორებთან. თათბირები მოქმედობენ რესპუბლიკის პროკურორის ინსტრუქციის თანახმად.

9. მე-8 მუხლში აღნიშნული თათბირების შედგენილობაში შედიან: ა) ამა თუ იმ ადმინისტრატიული ერთეულის ფარგლებში ნომქმედ, ამა დადგენილების 1-ლი მუხლით გათვალისწინებულ, ორგანიზაციის იურისკონსულტები; ბ) წარმომადგენელი: ქ. ტფილისში—უზენაესი სასამართლოსი, ქ. ქუთაისში—ოლქის სასამართლოსი, ხოლო ადგილობრივ—ოლქის სასამართლოს რწმუნებულნი; გ) წარმომადგენელი საარბიტრაჟო კომისიებისა, სადაც ასეთი არის, და საადგილ-მამულო სასამართლო კოლეგიებისა.

10. თათბირის გამგებლობის საგანს შეადგენს: ა) იურისკონსულტების მოხსენებათა მოსმენა მათი მოქმედებიდან გამომდინარე საკითხების შესახებ, პრაქტიკაში აღძრული საკითხების გადასაწყვეტად და აგრეთვე კანონების ერთნაირად განსამართლებლად მათი შეფარდებისათვის; ბ) ყველა იმ საკითხის განხილვა, რაც იურისკონსულტების ორგანიზაციის და მოქმედების შეეხება.

11. თავისი მიმდინარე მუშაობისათვის ხელმძღვანელობის გასაწევად თათბირი მოაწყობს ბიუროს, რომელიც შესდგება იმდენი წევრისაგან, რამდენსაც თათბირი თავისი შეხედულებისამებრ დაადგენს. ბიუროში აუცილებლად მონაწილეობას მიიღებენ საპროკურორო ზედამხედველობისა და სასამართლო ორგანოების წარმომადგენელი.

12. სახელმწიფო დაწესებულებისა და საწარმოს იურისკონსულტი სათანადო შემთხვევაში პასუხს აგებს დისციპლინარული წესით, საერთო საფუძველზე, როგორც დისციპლინარული სასამართლოების დებულებისა, ისე დისციპლინარული გადასახდელის შესახებ მომქმედი სათანადო კანონების თანახმად.

საქართველოს სოც. საბჭ. რესპუბლიკის სახალხო
 კომისართა საბჭოს თავმჯდომარე **ლ. ქართველიშვილი.**

საქართველოს სოც. საბჭ. რესპუბლიკის სახალხო კომისართა საბჭოს საქმეთა მმართველის თანამდებობის
 დროებით აღმასრულებელი **ს. სტეფანოვი.**

1927 წ. აგვისტოს 22.

ტფილისი—სასახლე.

გამოქვეყნებულია გაზ. „კომუნისტის“ 193 №-ში 1927 წ. აგვისტოს 26.

120. დადგენილება ს. ძ. ს.

საქართველოს სოც. საბჭ. რესპუბლიკის ცენტრალური სტატისტიკური სამმართველოს და აფხაზეთის სოც. საბჭ. რესპუბლიკასა, აჭარისტანის ავტონომიურ სოც. საბჭ. რესპუბლიკასა და სამხრეთ-ოსეთის ავტონომიურ ოლქში არსებული მისი ორგანოების სპეციალური სახსარის შესახებ.

ა/კ სფსრ-ის სახალხო კომისართა საბჭოს მიერ ამა წლის ივნისის 23-ს მიღებული დადგენილების (განმკარგულებელი სხდომის ოქმი № 25 პ. 13) აღსასრულებლად საქართველოს სოც. საბჭ. რესპუბლიკის სახალხო კომისართა საბჭო ადგენს:

1. ნება მიეცეს საქართველოს სოც. საბჭ. რესპუბლიკის ცენტრალურ სტატისტიკურ სამმართველოს და მის ორგანოებს აფხაზეთის სოც. საბჭ. რესპუბლიკასა, აჭარისტანის ავტონომიურ სოც. საბჭ. რესპუბლიკასა და სამხრეთ-ოსეთის ავტონომიურ ოლქში:

ა) იქონიონ სპეციალური სახსარი და

ბ) აწარმოონ სტატისტიკური სამუშაო და გამოსცენ სტატისტიკური მასალა სახელმწიფო, კოოპერატიულ და საზოგადოებრივ დაწესებულებათა და საწარმოთა ფონდების თაობაზე მხოლოდ იმ თანხების ხარჯით, რაც აღნიშნული გამოცემებისა და სამუშაოების შესრულებისათვის შემოვა.

2. ამა დადგენილების 1-ლი მუხლის „ბ“ პუნქტში აღნიშნული თანხა მიიქცევა საქართველოს სოც. საბჭ. რესპუბლიკის ცენტრალური სტატისტიკური სამმართველოს და აფხაზეთის სოც. საბჭ. რესპუბლიკასა, აჭარისტანის ავტონომიურ სოც. საბჭ. რესპუბლიკასა და სამხრეთ-ოსეთის ავტონომიურ ოლქში არსებული მისი ორგანოების სპეციალურ სახსარში და დაიხარჯება, საამისოდ დადგენილი წესისამებრ, 1-ლ მუხლში გათვალისწინებულ გამოცენათა და სამუშაოთა შესასრულებლად.

3. ამა დადგენილების 1-ლი მუხლის „ა“ პუნქტში აღნიშნული თანხის ხარჯით არ უნდა იქნეს წარმოებული ისეთი სამუშაო, რომლისთვისაც საჭირო თანხა გადადებულია ნორმალური საბიუჯეტო წესით.

საქართველოს სოც. საბჭ. რესპუბლიკის სახალხო კომისართა საბჭოს თავმჯდომარე **ლ. ქართველიშვილი**.

საქართველოს სოც. საბჭ. რესპუბლიკის სახალხო კომისართა საბჭოს საქმეთა მმართველის მოვალეობის დროებით აღმასრულებელი **ბ. ფაღავა**.

1927 წ. აგვისტოს 24.

ტფილისი—სასახლე.

გამოქვეყნებულია გაზ. „კომუნისტის“ 197 №-ში 1927 წ. სექტემბრის 1.

ქალაქი დამზადებულია

ენგურის (სვანეთის) სოკიდან

бумага изготовлена

из Ингурской (СВАНЕТСКОЙ) пихты.

ს. შ. უ. ს. პოლიგრაფიულ ტრესტის მე-3 სტამბა.

შევ. 582.

მთავ. № 56.

ტირაჟი—1500.